

## Edizione diplomatica


### **Bernartz Ventedorn.**

QUant ai mon cor ple de ioia. Tot me desnatura. Flors blanche u(er)meilla groia. Me par la freidura. Cab lo uent et abla ploia. Me creis lauentura. P(er) que mos chanz mo(n)te poia. Emos pretz meillura. Tant ai al cor damor. De ioi ede dousor. Que len uertz me sembla flor. Ela neus uerdura.

Anar puosc ses uestidura. Nuz ema camisa. Que finamors me segura de la freida biza. Et es fols qui desmesura. Enos ten de guisa. P(er) q(ue)u ai pres de mi cura. Deis queu aic enquisa. La plus bella damor. Donaten tan donor. Si q(ue)u loc de ma ricor. No(n) uoill auer frisa.

De samistat men raisa. Et ai ne fiansa. Que si uals ieu nai conquista. La bella semblansa. Et ai enansa deuisa. Tan de benenansa. Q(ue) ial iorn quel aia uisa. No(n) aurai pesansa. Mo(n) cor ai en amor. Elesperitz lai cor. Et ieu sim sui aillor loing dellei enfransa.

Tant naten bonesperansa. Uos que pauc maonda. Catressim ten en ballanssa. Com la

	<p>naus sus londa. Del mal trag que(m) desenansa.          No(n) trop on mesconda. Tota nuit me uirem la(n)-          sa. De sobre lasponda. Tan trac pena damor.          Ca trista(n) lamador. Non auenc tan de dolor p(er) iz-          eut la blonda.</p>
	<p><b>A</b> dieus quar me fos ironda. Qui eu uoles p(er)la-          ire. Queu uengues de nuoit p(er)onda. Lai ai si-          eu repaire. Bona do(m)pna iauzionda. Muor sel          uostra maire. Paor ai quel cors me fonda. Sai  <b>som dura gaire. Donna uas uostramor. Ioi(n)g</b>          mas mans et aor. Bel cors ab fresca color. Gra(n)          mal me faiz traire.</p>
	<p><b>Q</b>uel mon no(n) a nuilla faire. Don ieu tan (con)sire.          Sieu aug dellei ben retraire. Que mo(n) cor noi          uire. Emon semblan no(m) esclaire. Que q(ue)u nau-          ga dire. Si cades uos es ueiaire. Cai talen de          rire. Tan lam p(er) finamor. Que mantas uez em-          plor. P(er)o que meillor sabor. Menan li sospire.</p>
	<p><b>M</b>essagier uai ecor. Edima la iensor la pene la          dolor. Cai p(er) lei el martire.</p>

- letto 461 volte